

第四冊

卷四

治卒大腹水病方

治卒心腹癥堅方

治心腹寒冷食飲積聚結癖方

治胃膈上痰癰諸方

治卒患胃痺痛方

治卒胃反嘔哕方

治卒發黃疸諸黃病方

治卒患腰脇痛諸方

治虛損羸瘦不堪勞動方

治脾胃虛弱不能飲食方

治卒絕糧失食饑憊欲死方

葛仙翁肘後備急方卷之四

瘦樵程永培校

石卒大腹水病方第二十五

水病之初先目上腫起如老蠶色俠頭脈動股裏  
冷脛中滿按之沒指腹內轉側有節聲此其候也  
不卽治須臾身體稍腫肚盡脹按之隨手起則病  
已成猶可爲治此皆從虛損大病或下痢後婦人  
產後飲水不卽消三焦受病小便不利乃相結漸

備急方 卷之四  
漸生聚遂流諸經絡故也治之方

葶藶一升熬搗之於臼上割生雄雞雞合血共  
頭共搗萬杵服如梧子五丸稍加至十丸勿食  
鹽常食小豆飯飲小豆汁鱧魚佳也

又方防已甘草葶藶各二兩搗苦酒和丸如梧子  
大三丸日三服常服之取消平乃止

又方雄黃六分麝香三分甘遂芫花人參各二分  
搗蜜和丸服如豆大二丸加至四丸卽差

又方但以春酒五升漬葶藶子二升隔宿稍服一合小便當利

又方葶藶一兩杏仁二十枚並熬黃色搗分十服小便去立差

又方胡洽水銀丸大治水腫利小便姚同葶藶椒目各一升芒消六兩水銀十兩水煮水銀三日三夜乃以合搗六萬杵自相和丸服如大豆丸日三服日增一丸至十丸更從一起差後食牛

羊肉自補稍稍飲之

又方多取柯枝皮剉濃煮煎令可丸服如梧子大三丸須臾又一服當下水後將服三丸日一服此樹一名木奴南人用作船

又方真蘇合香水銀白粉等分蜜丸服加大豆二丸日三當下水節飲好白養無蘇合可闕之也又方取草麻繩熟者三十枚去皮研之水解得三合日一服至日中許當吐下諸水汁結裏若不

盡三日後更服二十枚猶未盡更復作差後節  
飲及鹹物等

又方小豆一升白雞一頭治如食法以水三斗煮  
熟食滓飲汁稍稍令盡

又方取青雄鴨以水五升煮取飲汁一升稍稍飲  
令盡厚覆之取汗佳

又方取胡鷺卵中黃頓吞十枚

又方取蛤蜊炙令熟日食十箇

又方若唯腹大動搖水聲皮膚黑名曰水蠱巴豆  
九十枚去皮心杏仁六十枚去皮尖並熬令黃  
搗和之服如小豆大一枚以水下爲度勿飲酒  
佳

又方鬼扇細搗絞汁服如雞子卽下水更復取水  
蠱若湯研麻子汁飲之

又方慈彌草三十斤水三石煮取一石去滓更湯  
上煎令可丸服如阜莢子三丸至五六丸水隨

小便去節飲糜粥養之

又方白茅根一大把小豆三升水三升煮取乾去  
茅根食豆水隨小便下

又方鼠尾草馬鞭草各十斤水一石煮取五斗去  
滓更煎以粉和爲丸服如大豆大二丸加至四  
五丸禁肥肉生冷勿食

腫滿者白樗樹白皮一握水二升煮取五合白檳  
榔大者二枚末之內更煎三五沸湯成下少許

紅雪服之

又將服牛溺章陸羊肉曬及香柔煎等在腫滿條中其十水丸諸大方在別卷若止皮膚水腹內未有者服諸發汗藥得汗便差然慎護風寒爲急若唯腹大下之不去便針臍下二寸入數分令水出孔合須腹減乃止

附方

李絳兵部手集方療水病無問年月深淺雖復脈

惡亦主之

大戟當歸橋皮各一大兩切以水一大升煮取  
七合頓服利水二三斗勿怪至重不過再服便  
差禁毒食一年水下後更服永不作此方出張  
尚客

外臺祕要治水氣

章陸根白者去皮切如小豆許一大盞以水三  
升煮取一升已上爛卽取粟米一大盞煮成粥

仍空心服若一日兩度服卽恐利多每日服一  
頓卽微利不得雜食

又療水病腫

鯉魚一頭極大者去頭尾及骨唯取肉以水二  
斗赤小豆一大升和魚肉煮可取二升已上汁  
生布絞去滓頓服盡如不能盡分爲二服服後  
溫令暖服訖當下利利盡卽差

又方卒患腫滿曾有人忽脚趺腫漸上至膝足不

可踐地至大水頭面徧身大腫脹滿苦瓠白瓢  
實捻如大豆粒以麪裹煮一沸空心服七枚至  
午當出水一斗三日水自出不止大瘦乃差三  
年內慎口味也苦瓠須好者無鱗翳細理妍淨  
者不爾有毒不用

聖惠方治十種水不差垂死

用獐肉半斤切粳米三合水三升葱椒薑豉作  
粥食之

又方治十種水病腫滿喘促不得臥

以蠮螋五枚乾爲末食前湯調半錢七至一錢  
小便通效

食醫心鏡治十種水病不差垂死

青頭鴨一隻治如食法細切和米并五味煮令  
極熟作粥空腹食之

又方主水氣脹滿浮腫小便澀少

白鴨一隻去毛腸洗饋飯半升以飯薑椒瓢鴨

腹中縫定如法蒸候熟食之

楊氏產乳療身體腫滿水氣急臥不得

郁李人一大合搗爲末和麥麪搜作餅子與喫  
入口卽大便通利氣便差

梅師方治水腫坐臥不得頭面身體悉腫

取東引花桑枝燒灰淋汁煮赤小豆空心食令  
飽饑卽食盡不得喫飯

又方治水腫小便澁

黃牛尿飲一升日至夜小便利差勿食鹽

又方治心下有水

白朮三兩澤瀉五兩剉以水三升煎取一升半  
分服

千金翼治小便不利膀胱水氣流滯

以浮萍日乾末服方寸匕日一二服良

經驗方河東裴氏傳經效治水腫及暴腫

葶藶三兩杵六千下令如泥卽下漢防已末四

兩取綠頭鴨就藥臼中截頭瀝血於臼中血盡  
和鴨頭更搗五千下丸如梧桐子患甚者空腹  
白湯下十丸稍可者五丸頻服五日止此藥利  
小便有效如神

韋宙獨行方療水腫從脚起入腹則殺人

用赤小豆一斗煮令極爛取汁四五升溫漬膝  
以下若以入腹但服小豆勿雜食亦愈

李絳兵部手集方亦著此法云曾得效